



№ 278

2024 yil «28» «dekabr»

**“O‘zsanoatqurilishbank” ATB “Odob-ahloq” komissiyasining
yig‘ilish bayoni**

Komissiya raisi:	Boshqaruv Raisi A.Akbarjonov
Komissiya raisi o‘rinbosari:	Risk Bosh direktori S.Ismagilov
Komissiya a‘zolari:	Ichki xavfsizlik departamenti direktori S.Sergiyenko
	Xodimlar va tashkiliy rivojlantirish departamenti direktori A.Orifjonov
	Yuridik departamenti direktori v.v.b. U.Aminova
	Risk menejment departamenti direktori D.Xujayev
	Komplayens-nazorat departamenti direktori A.Yoqubjonov
Komissiya kotibi:	Komplaens-nazorat departamenti xodimi K.Yuldashev

KUN TARTIBI:

**“O‘zsanoatqurilishbank” ATB xodimlarining o‘zaro manfaatlar to‘qnashuvini
o‘rganish yuzasidan o‘tkazilgan tahlil natijalari yuzasidan**

Komissiya Raisi A.Akbarjonov tomonidan yig‘ilish ochiq deb e‘lon qilindi hamda kun tartibidagi masala bo‘yicha axborot berish uchun so‘z Xodimlar va tashkiliy rivojlantirish departamenti xodimi Sh.Navruzovga berildi.

Sh.Navruzov komissiya a'zolariga:

- Bank boshqaruvining 2022-yil 10-maydagi 56/7-sonli qarori bilan tasdiqlangan "O'z sanoatqurilishbank" ATBda manfaatlar to'qnashuvini boshqarish to'g'risidagi Nizom" talablariga asosan 2024-yil uchun **3710 nafar** bank xodimlari tomonidan deklaratsiyalar taqdim etilganligini;

- manfaatlar to'qnashuvi to'g'risidagi deklaratsiyalar bank tizimida mehnat faoliyatini yuritayotgan ayrim xodimlar tomonidan taqdim etilmaganligini, bu holat esa qonunchilik hujjatlari va bankning ichki me'yoriy hujjatlari talablari buzilishiga olib kelayotganligini;

- xodimlar tomonidan taqdim etilgan "Manfaatlar to'qnashuvi holatlari to'g'risida"gi deklaratsiyalarning tahlili natijalariga ko'ra tizimda **6 ta real** (*biri ikkinchisiga to'g'ridan-to'g'ri bo'ysinuv yoki nazorat ostida bo'lishi*) va **159 ta potensial** (*biri ikkinchisiga to'g'ridan-to'g'ri bo'ysinuv ostida bo'lmagan, biroq kelgusida bank manfaatlariga qarama-qarshi bo'lishi yoki xodimlar tomonidan xizmat majburiyatlarini bajarishiga ta'sir qilishi mumkin bo'lgan ehtimoliy vaziyat*) manfaatlar to'qnashuvi holatlari mavjudligi aniqlanganligini ma'lum qildi.

Shuningdek, Sh.Navruzov bank tizimida **real** manfaatlar to'qnashuvi holatlari:

Bosh bankda - **2 ta holatda**;

Hududiy tarkibiy bo'linmalarda – **4 ta holatda** aniqlanganligini, Bosh bank va hududlarda aniqlangan real manfaatlar to'qnashuv holatidagi xodimlarining **2 nafari** bola parvarishlash ta'tilida ekanligini hamda ular hozirgi kunda bevosita bank amaliyotlarini bajarmayotganligi va mehnat qonunchiligi bilan kafolatlangan ta'tilda ekanligini;

Potensial manfaatlar to'qnashuvi Bosh bankda - **61 ta holatda**;

Hududiy tarkibiy bo'linmalarda – **98 ta holatda** aniqlanganligini, kelgusida bank manfaatlarining buzilishini oldini olish maqsadida real manfaatlar to'qnashuvi holatlarini hal qilish choralarini ko'rish, potensial manfaatlar to'qnashuvi holatlari bo'yicha profilaktik choratadbirlar amalga oshirilishi lozimligini ma'lum qildi.

Komissiya a'zolari taqdim etilgan hujjatlar hamda bildirilgan takliflarni muhokama qilib,

QAROR QILDI:

1. Xodimlar va tashkiliy rivojlantirish departamenti (A.Orifjonov) va Yuridik departamenti (U.Aminova) zimmasiga real manfaatlar to'qnashuvi deb baholangan holatlarni ko'rib chiqish va o'z takliflarini **2025-yil 6-yanvar kuniga qadar** Komissiya muhokamasiga takroran kiritish;

2. Holatlar ko'rib chiqilgandan so'ng Xodimlar va tashkiliy rivojlantirish departamenti (A.Orifjonov) zimmasiga:

- Bank tizimida aniqlangan **real** manfaatlar to'qnashuvi holatlari bo'yicha xodimlarga bola parvarishlash ta'tilidan chiqqandan so'ng **мазкур** **хoлатларни** **О'zbekiston**

Respublikasining “Manfaatlar to‘qnashuvi to‘g‘risida”gi Qonun talablariga asosan bartaraf etish choralarini ko‘rish;


- **5 ish kunlik muddat** ichida Bosh bank va hududiy tarkibiy bo‘linmalardagi real manfaatlar to‘qnashuvi holatlarini bartaraf etish yuzasidan O‘zbekiston Respublikasining “Manfaatlar to‘qnashuvi to‘g‘risida”gi Qonun talablariga asosan tegishli choralar amalga oshirish;

3. Bank tizimida aniqlangan **potensial** manfaatlar to‘qnashuvi holatlari kelgusida real manfaatlar to‘qnashuviga olib kelishini oldini olish maqsadida, potensial manfaatlar to‘qnashuvi holatlari aniqlangan xodimlar bilan **2025-yil 10-yanvar kuniga qadar** profilaktik suhbatlar va tegishli choralar ko‘rish;

- manfaatlar to‘qnashuvi to‘g‘risidagi deklarasiyalarni ayrim sabablarga ko‘ra taqdim etmagan (eta olmagan) xodimlardan **2025-yil 6-yanvar** kuniga qadar yig‘ib olish, bunda xodimlarga O‘zbekiston Respublikasining “Manfaatlar to‘qnashuvi to‘g‘risida”gi Qonuni talablari, xodimlarning huquq va majburiyatlarini to‘liq tushuntirish, va ularning tahlilini amalga oshirish;

- Komissiya qarori ijrosi bo‘yicha amalga oshirilgan ishlar yuzasidan **2025-yil 16-yanvar kuniga qadar** Komissiyaga ma’lumot taqdim etish vazifasi yuklatilsin.

Boshqaruv Raisi :



A.Akbarjonov

kelishuvchilar: A.Orifjonov, S.Sergiyenko, A.Yoqubjonov, S.Ismagilov, D.Xujayev, U.Aminova

<https://hujjat.sqb.uz/?pin=u046hW44&id=63fb26fe-a5e3-46e7-b6c4-5a023eddc64f>